



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2593/13
Sarajevo, 6.11.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO	11. 11. 2013		
Organizaciona jedinica	Prisustvo	Prisustvo	Broj
01-50-1-	15-	52/13	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 67. sjednici održanoj 6.11.2013. godine, utvrdilo je Odgovor na zastupničko pitanje koje je postavio Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2593/13
Sarajevo, 6.11.2013. godine

Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, na 52. sjednici Predstavničkog doma održanoj 29.08.2013. godine, postavio je sljedeće poslaničko pitanje:

“Kao poslanik u Predstavničkom domu Parlamentarne skupštine Bosne i Hercegovine, imam pouzdanu informaciju da u određenim ministarstvima postoje državni službenici koji za pola godine ili čak godinu dana, prime tek nekoliko predmeta u rad, koji čak nisu ni predmeti, nego informacije.

U skladu sa navedenim, interesuje me jesu li institucije Bosne i Hercegovine do sada uradile analizu efikasnosti i efektivnosti postojećih radnih mjesta prema važećim pravilnicima o unutrašnjoj organizaciji, odnosno sistematizovanih radnih mjesta?

Ako jesu, kakvi su rezultati i šta je urađeno nakon analize?

Ako nisu, u kojem roku imaju namjeru izvršiti analizu efikasnosti i efektivnosti i kad poslanici mogu dobiti rezultate na uvid?”.

Na postavljeno pitanje, Vijeće ministara Bosne i Hercegovine je na 67. sjednici održanoj 6.11.2013. godine, utvrdilo sljedeći

ODGOVOR

Prema odredbama Zakona o upravi, kao temeljnom organizacijskom propisu, pitanje analize i procjene efikasnosti i efektivnosti u radu institucije je u isključivoj nadležnosti same institucije, odnosno rukovodioca koji je nadležan da unutrašnju organizaciju rada institucije utemelji na načelu racionalnog i efikasnog rada organa uprave. U naprijed navedenom smislu, institucija je dužna da unutrašnjom organizacijom pored racionalne organizacije rada obezbjedi i efikasno obavljanje poslova i uspješno rukovođenje.

Shodno odredbama člana 52. Zakona o upravi unutrašnja organizacija rada organa uprave utvrđuje se Pravilnikom o unutrašnjoj organizaciji koji donosi rukovodilac organa uprave uz saglasnost Vijeća ministara Bosne i Hercegovine. Pravilnik o unutrašnjoj organizaciji organa uprave mora biti usaglašen sa nadležnostima organa uprave kao i sa općim načelima o unutrašnjoj organizaciji koju Odlukom propisuje Vijeće ministara Bosne i Hercegovine.

U cilju dosljedne implementacije odredaba Zakona o upravi koje se odnose na utvrđivanje unutrašnje organizacije rada organa uprave, Vijeće ministara Bosne i Hercegovine, je na prijedlog Ministarstva pravde Bosne i Hercegovine, donijelo inovirane odluke, koje su stupile na snagu 30.04.2013. godine, i to:

- Odluku o načelima za utvrđivanje unutrašnje organizacije organa uprave Bosne i Hercegovine; i
- Odluku o razvrstavnju radnih mjesta i kriterijima za opis poslova radnih mjesta u institucijama Bosne i Hercegovine.

Organi uprave na koje se primjenjuju navedene odluke dužni su svoje Pravilnike o unutrašnjoj organizaciji uskladiti s odredbama odluka u roku od godinu dana od dana stupanja na snagu istih. U postupku usklađivanja, a u kontekstu odredaba Zakona o upravi, institucije su dužne izvršiti analizu postojećeg stanja i procjeniti efikasnost i efektivnost u radu, kao bi se rad organa uprave učinio racionalnim i efikasnim.

Neovisno od postupka usklađivanja postojećih pravilnika o unutrašnjoj oragnizaciji sa naprijed navedenim odlukama, organi uprave su u skladu sa odredbama Zakona o upravi, u obavezi da u kontinuitetu unutrašnju organizaciju organa uprave prilagodavaju zahtjevima i potrebama rada u smislu obezbjeđenja racionalnog i efikasnog rada institucije.

Za dostavljanje odgovora na pitanje da li su institucije Bosne i Hercegovine sačinile analizu efikasnosti i efektivnosti postojećih radnih mjesta prema važećim pravilnicima o unutrašnjoj organizaciji, potrebno je da se obratite institucijama Bosne i Hercegovine, da postupajući u okviru svojih nadležnosti dostave odgovor na postavljeno pitanje.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2597/13
Sarajevo, 8.10.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09.10.2013

Organizaciona jedinica	Klasifikaciona oznaka	Redni broj	Broj priloga
01-50-1-15		52	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 65. sjednici održanoj 8.10.2013. godine, utvrdilo je Odgovor na zastupničko pitanje koje je postavio Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2597/13
Sarajevo, 8.10.2013. godine

Gospodin Šemsudin Mehmedović zastupnik u Zastupničkom domu Parlamentarne skupštine Bosne i Hercegovine na 52.sjednici Zastupničkog doma Parlamentarne skupštine Bosne i Hercegovine održane dana 29.08.2013.godine postavio je zastupničko pitanje slijedeće sadržine:

"Na osnovu projekta homologacije i certifikacije uvezenih vozila u BiH, tražim podatke o broju vozila po vrsti koja su ušla u BiH i koja su homologirana u 2012.godini za BiH tržište, te količinu novca koja je tom prilikom naplaćena od građana BiH za ovu uslugu"

Na postavljeno pitanje, Vijeće ministara Bosne i Hercegovine je na 65. sjednici održanoj 8.10.2013. godine, utvrdilo sljedeći

ODGOVOR

Uvidom u elektronski sistem ASYCUDA (ASY sistem) u Upravi za indirektno/neizravno oporezivanje utvrđeno je da je u 2012.godini u carinsko područje Bosne i Hercegovine po carinskoj proceduri IM 4 – puštanje robe u slobodan promet – evidentiran uvoz vozila - robe po tarifnom broju:

- 8703 – putnička motorna vozila – ukupno 51.201 vozilo i izvršen obračun neizravnih poreza u ukupnom iznosu od 95.857.460,57 KM;

i uvoz vozila - robe po tarifnom broju:

- 8704 – teretna motorna vozila – ukupno 3.535 vozila i izvršen obračun neizravnih poreza u ukupnom iznosu od 14.277.399,19 KM.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2782/13
Sarajevo, 6.11.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11. 11. 2013			
Organizaciona jedinica	Administrativna jedinica	Redni broj	Broj priloge
01-50-1-		15-53	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 67. sjednici održanoj 6.11.2013. godine, utvrdilo je Odgovor na zastupničko pitanje koje je postavio Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2782/13
Sarajevo, 6.11.2013. godine

Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, na 53. sjednici Predstavničkog doma održanoj 19.09.2013. godine, Vijeću ministara Bosne i Hercegovine postavio je sljedeće poslaničko pitanje:

«Kada će Vijeće ministara BiH u parlamentarnu proceduru uputiti Zakon o lustraciji, te da li postoji uopće plan da se ovaj zakon nađe na dnevnom redu, kako Vijeće ministara BiH tako i Parlamentarne skupštine BiH?»

Na poslaničko pitanje, Vijeće ministara Bosne i Hercegovine na 67. sjednici, održanoj 6.11.2013. godine, utvrdilo je sljedeći

ODGOVOR

Nacrt Zakona o dopunskom uslovu za vršenje javne funkcije Ministarstvo pravde Bosne i Hercegovine dostavilo je Vijeću ministara Bosne i Hercegovine. Nacrtom zakona predviđena je provjera moralnog integriteta pojedinaca koji pretenduju na neki javni položaj ili koji već zauzimaju profesionalne i izborne pozicije i funkcije u Bosni i Hercegovini, uz obezbjeđivanje najviših standarda poštivanja ljudskih prava prilikom provjere.

Nacrt Zakona već je bio uvršten u dnevni red za sjednicu Vijeća ministara, pa kako je odloženo izjašnjenje o istom, Nacrt Zakona će biti razmatran na nekoj od sljedećih sjednica do kraja tekuće godine, a nakon toga, biće dostavljen Parlamentarnoj skupštini Bosne i Hercegovine na usvajanje.